

قصيدة تحبك الأرض لو الأرض ما تعترف

كُتبت قصيدة يا حروف الأخطاء ما له ذنب حرف الألف بقلم الشاعر سعد علوش، ضمن لهجة سعودية بحثة، وتكون أبيات القصيدة كالآتي:

ياحروف الأخطاء ماله ذنب حرف الألف ** ما هو بذنب الكبير يشيل ذنب الصغير
هذا أنا الجالس اللي يوم كلن وقف ** في درب الأشباه لاسير ولا احث المسير
ياسيد الناس لك في كل شارع طرف ** من قالك كون شاسع نور وشاسع عير
تحبك الأرض لو الأرض ماتعترف ** وأنا ولد الأرض وأحبك أحبك كثير
مطار الإنسان من نفسه ولا قد عرف ** إلا أنت من يعرفك يعرف بعدها يطير
ياعودك السائل من الشمع فوق الخزف ** باطرافه النار واللا نار والزمهرير
مهما تمر الحياة وتختلف وأختلف ** أبقى معك ثابت النية وواضح مصير
من بعدك البعد يضحك لي غياب وترف ** وأنا مع القبو أحد بيكي واحد يستخير
كم وجه وكم وجه من حفظ العيون أنحذف ** وكم وجه من كثر ما أتخيله صار غير
بتصدق أن ودي أن أنام نومة كهف ** ودي أنام وأقوم والقي هالدنيا غير
ما أصعب العمر لمن صار فالمنتصف ** لابه جهالة صغير ولا وقارة كبير
أوازن الفعل بين الشكر ولا الأسف ** وأقول في نفسي اعمل خير وتلاقي خير
وأرتب أمالي الكبرى فبند الصدف ** من واعد الغيم يحتاج لأحاسيس طير
وأجل أشغالي لبكره أبصنع شغف ** ياشين الإنسان لمن وصل للأخير